

ORATIO  
DE  
FESTO ORTHODOXIAE  
IN ECCLESIA GRAECA CELEBRARI  
SOLITO

---

IN  
SOLLEMNI PANEGYRI  
CVM VIRIS QVIBVSDAM DOCTISSIMIS SVMMIS  
IN THEOLOGIA HONORES CONFER-  
RENTVR  
RECITATA

---

A  
IO. FRANCISCO BVDDEO  
THEOL. D. ET P. P.

---

IENAE  
Sumtu VIDVAE MEYER.  
CIO MDCCXXVI.



CHICAGO  
ILLINOIS  
JANUARY 1900

THE CHICAGO TRIBUNE

Published daily except on Sundays and holidays

Subscription price, \$5.00 per annum in advance

Single copies, 10 cents

Entered as second-class matter, July 16, 1879

Postoffice at Chicago, Ill., July 16, 1879

Acceptance for mailing at special rate of postage provided for in Act of October 3, 1917

Authorized by Act of October 3, 1917

Postpaid

Copyright, 1900, by The Chicago Tribune

Printed at the Chicago Tribune Press

Chicago, Ill.

Published by The Chicago Tribune Company

Capital stock, \$1,000,000

Surplus, \$1,000,000

Assets, \$1,000,000

Liabilities, \$1,000,000

Income, \$1,000,000

Expenses, \$1,000,000

Profit, \$1,000,000

Loss, \$1,000,000

Net income, \$1,000,000

Net loss, \$1,000,000

Net profit, \$1,000,000

Net loss, \$1,000,000



Q. D. B. V.



Aud exiguus est, auditores, illorum  
dierum numerus, quos aut veteris  
ecclesiae pietas, aut sequentium  
saeculorum superstitio, sacros fe-  
stosque esse voluit. Et nobis quidem eorum,  
quibus aut seruatoris optimi natiuitatem, aut  
eiusdem a mortuis resuscitationem, aut stupen-  
dam diuini spiritus in apostolos collationem,  
similiaque Numinis benignissimi ad morta-  
lium salutem spectantia munera, pia mente re-  
colimus, laeta merito prorsusque venerabilis  
est memoria, Romana autem ecclesia, vt in

eorum, quos sanctorum ordini publica auctoritate adscripsit, colique religiose voluit, numero augendo, nec modum nec finem tenuit, simulque ad dogmata sibi propria omnibus eo maiori specie obtrudenda, dies quosdam sollemni ritu celebrandos instituit; ita festorum eorumque auxit numerum, ut qui omnia observare velit, illi nihil aliud fere per integrum agendum annum sit, quam ut, sepositis negotiis reliquis, otio atque ignavia vitam transigat. Nec segnior aut negligentior fere in eiusmodi diebus constituendis fuit ecclesia graeca, utpote quae nec minori sanctorum martyrumque copia superbit, nec leuiore, rerum quarundam gestarum, & ad se pertinentium, memoriam ad posteros propagandi, se habere putat rationes. Singulare autem prorsus, nec omnibus, ut puto, temere notum, inter reliquos dies, quos haec ecclesia sacros sollemnesque reputat, aliquem esse, qui orthodoxiae consecratus est, atque *festum*, itemque *dominica orthodoxiae*, vocari solet. Nec enim alibi temere eiusmodi quid inuenias. Quod romanenses hoc ipso, quo verba ad vos facio, auditores, die celebrant festum corporis

poris, vt loquuntur, Christi, ab Urbano iv. pontifice primum institutum, & in concilio Viennensi a Clemente v. confirmatum, itidem publicum quoddam orthodoxiae documentum, ex illorum mente sententiaque, cenferi posset; cum doctrinae, quam sibi propriam ac peculiarem fecerunt, praecipuum caput sit transubstantiationis illud commentum; quod propagare hac ratione atque vindicare ab interitu, consultum duxerunt. Longe etiam meliori iure illum diem, quo susceptam a Luthero feliciter ecclesiae religionisque christianae emendationem, ad gratias Deo, pro tanto munere agendas, in memoriam nobis reuocamus, ita adpellare liceret; cum vera puraque doctrina, a squalore & sordibus, quibus commaculata erat, repurgata hac ratione in lucem iterum emerferit. Verum, cum mos atque consuetudo loquendi repugnet, missis hisce, ad Graecos nos conferemus, exposituri paucis, cuiusmodi illud festum sit, quod orthodoxiae sacrum dicatumque esse voluerunt. Hoc enim nec ingratum vobis, auditores, fore, nec ab eo, quod hodie nobis peragendum est, alienum esse negotio, existimo.

A 3

Ori-

Originem atque natales festi huius, quod tam splendido *της ὁρθοδοξίας* nomine superbit, quamvis rectius *ἑτεροδοξίας* immo turpissimae idololatriae dicatur, inuestigaturis, funesta illa, quae orientalem ecclesiam olim turbarunt, nobis sese offerunt de imaginibus certamina. Fuerunt haec eiusmodi, vt, ob causam nullo negotio aliquot horarum spatio diiudicandam, tantum tamque diuturnum, immo & tam atrox exoriri potuisse bellum, miretur merito atque obstupescat posteritas. Quidquid furor, quidquid pessimorum hominum calliditas excogitare potuit, id arreptum auide, & intrepide vsurpatum, praesertim ab illis, qui imaginum fauebant cultui, eumque introductum cupiebant. Nec tam rationibus pugnatum, aut scripturae effatis, quae illi certe, qui pro imaginibus stabant, adferre non poterant, quam mendaciis, calumniis, fictis miraculis, visionibus, adparitionibus: tum porro decretis conciliorum, mandatis atque edictis principum, carceribus, exsiliis, poenisque adhuc grauioribus. Compescere insanum istum imaginum amorem, erumpentique superstitioni obuiam  
ire

ire adgressi sunt imperatores Leo III Isauricus, Constantinus, cui ignominiosum copronymi nomen iconolatrarum petulantia peperit, Leo IV. atque V. seu Armenus, & cum primis Theophilus: sed experiundo didicerunt, facilius hydram potuisse perimi ab Hercule, quam cõrçeri ab se monachos, superstitionis patronos ac promotores, artiumque, quibus populus fascinari & in quamlibet circummagi partem potest, peritissimos. Vt autem irritus in opprimenda superstitione istorum imperatorum fuit labor; ita per feminas contra Irenem & Theodoram caput non tantum extulit, sed tandem omnino triumphavit, immo pulcherrimo orthodoxiae nomine ornata fuit.

Mortuo nimirum Michaële balbo, summa rerum in imperio Constantinopolitano ad filium eius Theophilum peruenit, cuius laudem, rebus praeclare fortiterque gestis partam, frustra obscurare conata est veterum recentiorumque iconolatrarum mentiendi calumniandique libido. Per duodecim & quod excedit annos imperio praefuit, bellaque feliciter contra Saracenos gessit, magnumque hac ratione nominis

nis sibi comparauit decus, donec tandem ex ultimo cum iis praelio, Persarum proditione, inferior discedens, mox vitam cum morte commutaret. Fortitudinis laudi, iustitiae addidit amorem, quo eum omnium sibi conciliaſſe animos, IO. CVROPALATA, GEORG. CEDRENVS ceterique rerum Constantinopolitanarum scriptores, vno omnes fatentur ore, nec abnuerent audent, qui ob reiectum ab illo imaginum cultum infensissimo erga eum sunt animo. \* Illustre eius documentum dedit, quod illos quoque, qui cum patre in Leonis Armeni necem

\* Excipiendus, qui odio in huncce imperatorem omnes vincit, auctor ille, cuius extat διήγησις διαλαμβάνουσα περὶ τῶν ἁγίων καὶ σεπτῶν εἰκόνων, καὶ ὅπως, καὶ δι' ἣν αἰτίαν παρέλαβε τὴν ὀρθοδοξίαν ἐπὶ τοῦ τελῆν, τῇ πρώτῃ κυριακῇ τῶν ἁγίων νηστειῶν, ἡ ἁγία Θεὸς ἐκκλησία. *narratio complectens quae spectant ad sacras ac venerabiles imagines, & quamobrem sancta Dei ecclesia in more receperit, quotannis celebrare, quam vocant ὀρθοδοξίαν, (id est resti-*

*tutionem sacrarum imaginum) dominica prima ieiuniorum; quam graece ac latine edidit FRANCISCVS COMBESISVS in auctario nouo bibliothecae patrum graeco-latinae tomo II. p. 716. seqq. Vt enim omnes, quas potuit contumelias in Theophilum imperatorem congerit; ita quae ab aliis in eius laudem dicuntur, silentio praetermittit. In eadem vero etiam oratione siue narratione hystorica, de origine festi, quod orthodoxiae sacrum fuit, ex instituto agit.*



cem conspirauerant, parricidarum poena adfici iussit. Immo cum aliquando ingentem cum mercimoniis nauem appelli videret, eam admiratus quaesivit, cuius esset? cumque audiret, eam esse coniugis suae, quae merces hasce sibi aduehi curasset; ergo, inquit, mea vxor me mercatorem facit, cum sim imperator? statimque sibi iussit adferri ignem, quo nauem cum mercibus simul cremauit. Quo ipso quantopere auaritiam lucrique cupiditatem detestaretur, quamue eam indignam imperatore censeret, luculenter testatus est. \* Atque haec aliaque cum non laudare nequeant, qui imaginum cultum defendunt; simul tamen conuiciorum in eum coniicere plaustra non desinunt, & vt principum omnium sceleratissimum, impium, haereticum, qui omnes crudelitate superaerit, iracundum, violentum, magicis artibus deditum, & omnibus vitiis tantum non obrutum

B tum

\* Referunt haec omnia scriptores Byzantini, quorum verba recitat CHRISTOPHORVS BOLDVS in *historia Constantino-*

*politana post auulsum a Carolo magno occidentem, ad nostra vsque tempora deducta part. I. p. 32. seqq.*

tum, nobis describunt. \* Caussam si quæ-  
ras, imaginum cultum ferre noluit, homi-  
numque superstitioni frenum iniecit; & in quos-  
dam petulanter, reluctantes, speciatim Meth-  
odi-

\* Documentum præbet au-  
ctor antea commemoratus, quip-  
pe qui orationem suam, siue narra-  
tionem historicam hisce auspiciatur  
verbis: Τὸ βασιλεὺς Θεοφίλος τὸ  
κατ' ἐκείνην καιρῷ, συγχωρήσει  
Θεῷ, τὴν αὐτοκρατορικὴν διέπον-  
τος ἀρχὴν, τὴν ἀθέμιτον, καὶ  
πονηρὰν τῷ Θεοσυγῆς κοπρω-  
νύμῳ, καὶ τῶν θηριωνύμων,  
καὶ θηριοζώων, χαλεπὴν καὶ  
ψυχόλεπον αἵρεσιν διεδέξα-  
το· ἣν ἀναδείχμενος, καὶ ἔδὲν  
ἡτῶν ὥφθη τῆς ἐκείνων δυσρο-  
πίας ἵς καὶ τυραννίδος· τῶν  
γὰρ ὁ μάταιος ἐστὶ κακοφρο-  
νὴς καὶ φρενοβλαβὴς ἀνεκάνι-  
σι, καὶ τὴν παραπλῆξιν τῶν  
ματαιοφρόνων ἐκείνων εἰκono-  
μάχων μιμῶμενος, τὴν ἐκ μα-  
χηαῖκῆς μανίας ἀναφύεισαν,  
διωγμὸν ἀσπονδὸν καὶ αὐτὸς  
κατὰ τῆς ἐκκλησίας τῷ Θεῷ ἀν-  
σφρίπτει· Cum Theophilus im-  
perator per id tempus divina  
permissione imperium governa-

ret, nefariam pravamque Deo  
odibilis Copronymi, ac hominum  
ferarum nomine ac moribus gra-  
uem illam, & animis exitiosam  
haeresin, suscepit, nibique sus-  
cipiens, ab eorum nequam mori-  
bus ac tyrannide visus est deces-  
sisse. Eam quippe stultus ille,  
malo proposito ac insana instau-  
rans mente, dementium horum  
iconomachorum imitatus recordi-  
am, prolem utique furoris Ma-  
nichæorum, diram & ipse perse-  
cutionem excitavit adversus Dei  
ecclesiam &c. Idem sibi datum  
crediderunt, qui Romanae eccle-  
siae sacra sequuntur, quoties ho-  
rum certaminum mentionem in-  
iiciunt, aut de Theophilo hocce  
imperatoris verba faciunt; quos  
inter omnium instar esse potest  
LUDOVICVS MAIMBURGIVS  
in historia de haeresi iconoclasta-  
rum, gallice scripta, lib. VI. p.  
310. seqq.

odium, iconolatrarum eo tempore antefignatum, paullo feuerius animadfertit.\*

Rebus tandem mortalium exemto Theophilo, imperii administratio penes filium eius Michaëlem tertium, admodum adolescentem,

B 2

fi-

\* Ut eo magis Theophilum ob crudelitatem omnibus iniustum reddant, qui imaginibus fauent, ea quae illi, qui pro imaginibus stabant, perpeffiffint, mirum in modum exaggerant. Auctor *orationis* siue *narrationis hiftoricae*: ὁ δὲ δίκαιος καὶ ἀθλίος Θεόφιλος, ἀδιόρθωτος μένων, πολλαῖς καὶ πικραῖς ἱμνωρίαις, αἰκίαις ἴσ καὶ βασάνοις ἐκ ὀλίγου ἰὼν ὁρθόδοξων ὑποβαλὼν, ὑπερορίας κατεδίκασε. *infelix autem miserque Theophilus, incorrigibilis manens, multis gravibusque suppliciiis, verberibusque ac tormentis mancipatus orthodoxos non paucos exilio damnauit; l. c. p. 720.* Idemque deinceps praecipuos imaginum defensores, qui eo tempore floruerunt, recenset. Hos inter primum praecipuumque locum tenet Methodius patriarcha, quem iussu imperatoris in spelunca quadam, perinde vti cadauera sepulchris

abundant, conclusum, memorant. Addunt, duos deinde illi adiunctos latrones, quorum vnus cum ibidem extinctus esset, cadauer tamen non fuisse remotum, vt ex eius foetore eo maior Methodio molestia crearetur. Ex scriptoribus Byzantinis hoc enarrat CHRISTOPHORVS BOLDVS *l. c. p. 38.* Sed in hisce omnibus falsa plurima veris quibusdam admixta esse, & pleraque fabulis ac figmentis confpersa, ostendit FRIDERICVS SPANHEMVS in *historia imaginum restituta scđ. VIII. §. XIII. tomo II. operum eius p. 857.* Non equidem negauerim, durius interdum quaedam ac asperius, quam par erat, a Theophilo in dissidentes statuta esse; sed hos non mitiores fuisse, cum eorum partes superiores erant, adeoque illi nihil iure exprobrare potuisse, certum est.

simulque adeo Theodoram coniugem Theophili esse coepit. Atque haec cum iconolatris prorsus obnoxia, ex eorum nutu ac voluntate omnia gereret; maximam rerum contigisse mutationem, vel me tacente intelligitis. Quo erga imagines animo, dum maritus viueret, Theodora fuerit, num serio earum detestata fuerit cultum, an sententiam, ne maritum offenderet, dissimulauerit? de eo non vna omnium est sententia. \* Veritate conuictam, ad iconolatrarum transiisse castra, nemo temere sibi

\* Auctori equidem *orationis* seu *narrationis historicae* si credimus, Theodora semper fuit catholica seu orthodoxa, hoc est, imaginum adoratrix, adeo ut ne id quidem prorsus dissimulauerit; cui & ἡ τιμία καὶ εὐσεβεστάτη ἀνατοσα, ἡ ἐξ εὐσεβῆς καὶ ὁρθοδόξου πίστεως κληδος, Θεοφίλης ἀναβλαστῆσασα: venerabilis ac piissima imperatrix, Dei amans gemen, e pia & orthodoxa ortum radice, audit, p. 720. Verum ipsemet hac de re dubitat FRANCISCUS COMBEFISIUS. Cum enim auctor oratio-

nis dixisset, Theodoram imagines Christi & Mariae, marito inoribundo, vel inuito adorandas ac osculandas ingessisse, addit COMBEFISIUS: *Mixtae haec consonant iis, quae habet Cyropalata, de dissimulata Theodorae orthodoxia, seu etiam eius aut vera aut adfectata a mariti morte, mente non sana, donec Manuele perterrente, conuentum indixisset, quo ageretur de restituendo ecclesiis ornatu; nisi ipsa eam methodum inire maluit, ad rei amolendam inuidiam, eandemque efficacius gerendam, cum aliquin*

sibi persuaferit. Matrem Theodoraë, Theocistam, feminam superstitioni ad insaniam usque deditam, viuentem Theophilo, imaginibus addictam fuisse, non dissidentur Byzantini scriptores. Hanc omnem tum mouisse lapidem, ut in eandem filiam pertraheret sententiam, quis dubitet? Dubitare certe veterum testimonia vetant. Accedebat auctoritas auunculorum Theodoraë, Theocisti & Manuelis, qui ut principem in aula & militia tenebant locum, tutoresque principis Manuelis constituti erant, ita, oppressis atque deiectis iconomachis, cuncta pro libidine & ut cupiebant, se administrare posse, credebant.

Nec deerant speciosa sanctitatis simulacra,

B3

ar-

*periculum esset, ne res turbarentur &c. Et quibusdam interiectis: Potuit paucis domesticis nota esse imperatricis orthodoxia, cuius palam in omnes prodendae tempus congruum pia foemina ac prudens cuperet; volens se velut inuitam ad ea compelli pro pietate, ad quae ipsa ex se excitatior erat; p. 747. Ita & reliqui Romanæ ecclesiæ addicti, Theo-*

*doram, viuentem marito, orthodoxiam suam dissimulasse, speciatim* LVDOVICVS MAIMEVRGIVS *in historia de hæresi iconoclastarum lib. VI. p. 344. repugnantibus* GEORG. CEDRENO, & IO. CVROPALATA, qui, Manuelis minis territam Theodoram, in iconolatrarum transiisse castra, diserte testantur.

artesque ad fallendos incautos comparatae, miracula, similiaque diuinae voluntatis pro lubitu conficta signa; quibus omnibus expugnari se-quiorem sexum, natura ad superstitionem prouum, quis miretur? Haec tamen nondum Theodoraeflectebant animum, quippe quae a mariti exemplo discedere sibi ducebat religioni, hinc & quam diutissime restitit, donec minae tandem adhiberentur, quae animum quantumuis fortem ac intrepidum perterrefacere poterant. Dum enim audiebat, fore, ut vita & imperio priuaretur, nisi iconolatrarum amplecteretur partes, cessit tandem, & ex istorum hominum voto sententiaque omnia peragere coepit.

Tum enimvero redire, pristinumque recuperare locum iussi imaginum defensores, quos remouerat Theophilus; earum contra oppugnatores in exilium pulsi, ipsae denique imagines in publicum triumphantis superstitionis docu-

\* Copiosius haec omnia edidit FRID: SPANHEMVS, in *historia imaginum restituta scilicet*.

VII. §. XIV. tom. II. operum p. 858. seqq.

cumentum restitutae. Magna id factum pompa, adparatuque haud vulgari, dominica prima ἡν ἁγίων νηστῶν *sacrorum ieiuniorum*. Ingens enim tum hominum conuenit multitudo, ipseque aderat imperator, μετὰ ἡς ἁγίας καὶ ὀρθόδοξης αὐτῆς μητρὸς *cum sancta ac orthodoxa matre sua*, vt graecus auctor loquitur, cum patriarcha Methodio, ac a templo, in quo congregati fuerant cum sacris imaginibus, pretiosaque cruce ac sancto euangelio, proficiscentes, ad portas palatii, quae Ctenariae dicuntur, inter preces & litaniae cantum venerunt, reuersuri inde ad sacram aedem, ac diuinam mysticamque, vt Graecis appellare mos est, liturgiam celebraturi. Atque tum ab imperatore, ac patriarcha, ceterisque, ad quos hocce negotium spectabat, decretum constitutumque est, vt quotannis sancta haec ac veneranda festiuitas, prima sacrorum ieiuniorum dominica, magnifice & splendide celebraretur. \* Atque hoc est illud festum, quod

ἡς

\* Fusius ista enarrat auctor *orationis seu narrationis historicae*, qui & institutionem festi huius, quotannis celebrandi, ita describit: εἰ δὲ ἐν εὐσεβῶς κρα-  
 ῖντες, μετὰ τοῦ βασιλέως καὶ  
 ἁγιοτάτου πατριάρχου Μεθοδίου,  
 καὶ τῶν σὺν αὐτῷ μητροπολιτῶν,

τῆς ὀρθοδοξίας in ecclesia graeca adpellari so-  
let. \*

Non

καὶ ὁρίων ἀτκήων, ἡν ἡνικαῦτα  
ἐθέσπισαν, τὴν ἐορδαζέειν ἡν ἀ-  
γίαν καὶ σεβασμένην ἐορτήν  
τάυτην, ἐτησίως λαμπρῶς ἐν ἡ  
τῇ Θεῷ μεγάλῃ ἐκκλησίᾳ, ἡ  
πρώτῃ κυριακῇ τῶν ἀγίων ἡ-  
γεσιῶν, ἡ ἡ καὶ μέλει ἡς δευτέ-  
ρου, εὐδοκίᾳ καὶ χάριτι τῇ ἀγαθῇ  
Θεῷ ἡμῶν ἐορδαζεται, εἰς δόξαν  
καὶ αἶνον τῇ ἡν ὅλων Θεῷ καὶ  
κυρίῳ ἡμῶν Ἰησοῦ Χριστῷ. Πῦ  
ergo Augusti, una cum venerabi-  
li ac sanctissimo patriarcha Metho-  
dio, eiusque collegis metropo-  
litis, ac sanctis exercitatoribus,  
per id tempus sanxerunt, ut quoti-  
annis sancta haec ac veneranda  
festiuitas, in magna Dei ecclesia,  
prima sacrorum ieiuniorum do-  
minica, magnifice ac splendide  
celebraretur, quae & haec tenus  
diuinac bonitatis beneplacito ac  
gratia, sollempnis agitur, in glo-  
riam ac laudem vniuersorum Dei  
ac domini nostri Iesu Christi; p.  
739. 740.

\* Εορτήν τῆς ὀρθοδοξίας vo-  
cant IO. CVROPALATA, item-  
que SYLVESTER SGRYPV-

LVS in *historia concilii Florentini*,  
scilicet. XII. cap. I. p. 330. CE-  
DRENS τὴν τῆς ὀρθοδοξίας πανή-  
γυριν adpellat. Aliis etiam κυριακῇ  
τῆς ὀρθοδοξίας *dominica ortho-*  
*doxiae* dicitur, quae est prima  
quadragesimae, quoniam ea ce-  
lebrari solet. Confirmari idem  
potest ex libris ecclesiasticis  
Graecorum, cuiusmodi sunt *ty-*  
*picum* SABAE, item *triodium*,  
de quibus legendi LEO ALLA-  
TIVS in *dissertationibus* duabus  
de libris ecclesiasticis Graecorum,  
quas vir doctissimus IO. ALB.  
FAERICIVS volumini quinto  
bibliothecae suae graecae subiun-  
xit, p. 2. 51. & 82. & GVIL.  
CAVE in *dissert. de libris & of-*  
*ficiis ecclesiasticis Graecorum*, e-  
iusdem *historiae litterariae* scri-  
ptor. ecclesiast. subnexa, p. 31. 32.  
Et in *typico*, quidem SABAE cap.  
XLII. legitur: διὰ ταῖς τῆς  
πρώτης κυριακῆς τῶν ἀγίων  
ἡγεσιῶν, ἡτοι τῆς ὀρθοδοξίας,  
dispositio primae dominicae san-  
ctorum ieiuniorum siue *tribodo-*  
*xiae*. Sic & GEORGIVS CO-



Non originem itaque solum & occasionem eius, auditores, sed & quid istud sibi velit, intelligitis. Restitutionem enim imaginum, simulque opinionem, cultu ac veneratione religiosa eas prosequendas esse, splendido isto, & ad fucum incautis faciendum comparato, ornarunt nomine. Quod quam inique praeterque rem omnem factum sit, si copiose demonstrare vellem, valde vereor, ne in re minime dubia, non necessaria vterer demonstratione. Non equidem illorum probo sententiam, qui nec conspectum ferebant imaginum, easque tollendas omnino & reiiciendas clamitabant; prudentiores tamen, qui se imaginibus opponabant, facile perspiciebant, quorsum tandem res euasura esset, si semel reciperentur. Idque experientia atque euentus comprobauit. Turpissima inde enim superstitio, immo idololatria foedissima, orientalem primum, deinde & occidentalem, renitentibus licet initio

C

tio

DINVS: ἀπέχεται δὲ εἰς τὴν αἰγίαν σοφίαν καὶ κατὰ τὴν κυριακὴν τῆς ὁρθοδοξίας dominica orthodoxiae abis (impetrator) ad sanctae Sophiae templum; de curiae & ecclesiae Constantinopol. officiis & officiali cap. 25.

tio strenueque repugnantibus concilii Francofurdiensis patribus, ipsoque Carolo magno imperatore, \* inundauit ecclesiam. Dum autem istum imaginum cultum, & superstitionem & idololatriam voco, nihil, quod verum non sit, dico, & simul quam procul iste ab ea, quae christianos decet, Deum colendi ratione absit, significo. Cum enim, solum Deum religioso cultu prosequendum esse, & ratio doceat, & scriptura sacra disertè testetur; quis quaeso superstitionis aut idololatriae immunem pronuntiabit, qui imagini cuidam, quaecumque demum illa sit, eundem defert? Quodsi obuer-  
tas, per imaginem ipsum te Deum colere; ec-  
quis

\* In concilio Francofurdiensi anno DCCXIV. a Carolo magno conuocato, probato usu imaginum legitimo, earundem cultum ac adorationem reiectam ac damnatam, immo in isto concilio ab ipso Carolo, certe sub eius nomine *capitulare* aliquod, *quatuor constans libris, de non adorandis imaginibus*, contra Constantini VII. imperatoris Constantinopolitani & Irenes matris decretum, pariter ac

synodum Nicaenam II. conscriptum esse, neminem temere fugit. Hoc equidem vt declinent telum, in omnes se vertunt partes Romanae ecclesiae addicti; sed eorum conatus vanos irritosque esse, solide demonstrant IOAN. GEORGIVS DORSCHVS in *collatione ad concilium Francofurdiense scilicet. II. cap. VI. p. 41. seqq.* & IOAN. DALLAEVS, *de imaginib. lib. IV. cap. II. p. 368. seqq.*

quis te Deum ita coli velle docuit? Certe nec ratio nec scriptura, quae eiusmodi cultum adeo non probat, vt diserte prohibeat. Nec tamen solius Dei, sed sanctorum etiam hominum imagines, qui ista superstitione tenentur, colunt, & ita haud raro colunt, vt ipsas istas imagines statuasque eiusmodi veneratione prosequantur, quam solus Deus merito sibi vindicat. In veteri quoque ecclesia istos homines nullum sui erroris inuenire praesidium, adeo manifestum est, vt mirum omnino sit, quod ad illam prouocare audeant.\* Et nihilosecius, tanta Graeci fuere impudentia, vt istam de imaginum cultu doctrinam *ὁρθοδοξίαν*, festumque, in erroris sollemni ratione confirmati memoriam introductum, *τῆς ὁρθοδοξίας* vocare non dubitauerint.

Iam & de ratione, qua diem huncce festum, eundemque orthodoxiae sacrum,

C 2

cele-

\* Abunde hoc, vt alios taceam, demonstrauit IO. DALLAEVS, quem iam laudauimus, in *libris IV. de imaginibus*, praesertim *lib. I. & II.* Eum equidem ex instituto sibi refutandum sum-

sit NATALIS ALEXANDER *hist. eccles. noui testam. saec. VIII. dissertat. VI. tomo V. p. 757. seq.* sed adeo infelicitate, vt sententiam DALLAEI confirmare potius, quam labefactare videatur.

celebrarunt, nobis aliquid cōmmemorandum est. Destinatum illi fuisse dominicam primam quadragesimae, quae Latinis *inuocauit* adpellatur, Graecis autem κυριακὴ πρώτη τῶν νηστῶν, *dominica prima ieiuniorum*, & ex antea dictis constat, & Graecorum quoque libri ecclesiastici testantur.\* Eo itaque die sollempnis instituebatur processio cum cru-

\* Patet hoc ex testimoniis iam adlatis, quibus addi adhuc potest illud PHILOTHEI patriarchae Constantinopolitani, *bo-mil. in primam quadragesimae dominicam*, vbi statim ab initio ita loquitur: τῇ κυριακῇ ταύτῃ, καὶ πρώτῃ τῶν νηστῶν ἢ τῇ Χριστῷ ἐκκλησίᾳ ἐορτάζειν παρέλαβε τὴν ὀρθοδοξίαν, ἥτοι τὴν ἀνάσθηλωσιν τῶν σεπτῶν καὶ ἀγίων ἐικόνων. *Dominica ista & prima ieiuniorum Christi ecclesia celebrare solet orthodoxiam, siue restitutionem venerabilium & sacrarum imaginum &c.* Sed & NICEPHORVS GREGORAS huius rei mentionem facit, cuius verba cum LEO ALLATIVS attulisset, simul obseruat, magnopere eos falli, qui *dominicam hanc orthodoxiae cum festo magni canonis confun-*

dunt; in disert. de *dominici & hebdomadibus recentiorum Graecorum*, operi eius de ecclesiae occidentalis & orientalis perpetua consensione subiuncta, §. XIV. p. 1431. Nimirum festum illud *magni canonis* celebrabatur dominica quinta quadragesimae, atque ita vocabatur, quod eodem *magnus canon* canebatur, cuius auctor fuit ANDREAS Hierosolymitanus, ex Damasco oriundus, Cretae archiepiscopus, qui collecta vniuersa veteris & noui foederis historia, canticum composuit, cohortans omnes, vt, quae videant in historia esse bona & laudabilia, pro viribus scelerentur, mala fugiant & exsecrentur; vt idem ALLATIVS l. c. §. XIX. p. 1440. loquitur.

crucibus & imaginibus, \* & celebrabatur memoria imperatorum & patriarcharum orthodoxorum, hoc est, eorum, qui imaginum cultum ac venerationem strenue promouerant. \*\* Legebatur tum synodicum, \*\*\* eoque finito faustis adclamationibus, imperatores atque sacerdotum antistites excipiebantur. \* Quod vero nonnulli addunt, Michaëlem imperatorem hanc in iconomachos poenam statuissse, vt a templo beatae Mariae in Blachernis cum facibus ad templum sanctae Sophiae irent, & sibi mutuo in aurem insusurrarent, *anathema*, id de illis tantum, qui Methodium patriarcham calumniati fuerant,

C3

in-

\* Hinc in *typico* SABAE cap. XLII. dicitur: *λιτανεύομεν κοινῶς μετὰ τῶν τῆς ἀγίας σταυροῦ ξύλων καὶ τῶν σεπτῶν εἰκόνων* supplicationem in communi institimus cum sanctae crucis lignis, & venerandis imaginibus.

\*\* Docent hoc verba NICEPHORI GREGORAE, quae recitat LEO ALLATIUS l. c. p. 1432.

\*\*\* Ex *typico* SABAE l. c. hoc discimus: ἀπερχόμεθα ἐν τῷ πῶ ὡρισμένῳ, ὅπῃ δὲ ἀναγινώσκειν τὸ συνδικόν· abimus in locum destinatum, ubi legen-

dum est synodicum. Similia & in *triodio*, itemque apud GEORGIUM CODINVM leguntur, quae LEO ALLATIUS recitat l. c. p. 1435. & 1436. qui & de synodico hocce legendus in *dissert. II. de libris ecclesiasticis Graecorum*, p. 153. seqq.

\* Testatur hoc *typicum* SABAE: καὶ μετὰ τὸ τέλει πολυχρονίζομεν τὰς βασιλεῖς καὶ τὸν προσεῳτα· in fine vitam diuturnam precamur & imperatoribus & antistiti.

intelligendum alii monent. \* Nec deerant, qui hymnos & cantica, ad diei istius augendam laetitiam, componerent. \*\*

Non equidem vituperandi sunt Graeci, quod de orthodoxia adeo fuerint solliciti. Nec sine ratione quidam illorum dixit, modo recte intelligatur: πρώτη γὰρ ἀρετὴ, ἡ ὀρθόδοξος γνώμη ἐστὶ. *prima virtus, sensus orthodoxus est.* Sed suo tamen simul docuerunt exemplo, quam facile hic mortales se ipsi decipiant, vanisque & inanibus se pascant commentis. Serio, saltem plerosque, sibi persuasisse, veram rectamque se tenere sententiam, quis dubitet? Quis vero etiam non miretur, in re tam clara, tam facili, tam perspicua, tanta illorum mentes perfundi potuisse caligine? Quis non obstupescat, errorem, quem sana ratio, quem scriptura sacra, tam aperte damnat, tot mor-

\* Ita LEO ALLATIVS, reprehendens IO MEVRSIUM, quod verba IO. CYROPALATAE non recte intellexerat, l. c. p. 1436.

\*\* Huiusmodi est illud MICHAELIS SYNCELLI, quod LEO ALLATIVS l. c. exhibet. Alios duos hymnos, alterum THEOPHANIS confessoris, alterum THEODORI studentae, refert CAESAR BARONIVS in *annalib.* ad annum DCCC XLII. num. XXVII. Alterius initium est: Σκιετῶν τῆς μετ' εὐφροσύνης σήμερον, πιστοὶ βοήσωμεν αἰς θαυμαστὰ ἰάεργα σου Χριστέ καὶ μεγάλην ἡ δύναμις, ὃ τῇν ἡμῶν ὁμόνοιαν

καὶ συμφωνίαν ἐργαζάμενοι. *Exultantes hodie prae gaudio clamemus, fideles: Quam mirabilia sunt opera tua, & quam magna, o Christe, potentia tua, qui nobis unionem & concordiam es operatus.* Alterius initium est: Χαριστήριον ὡδὴν ἡ εὐεργέτη Θεῷ ἡν ὅλων ἄσωμεν πιστοὶ, ὅτι ηγεμε σωτήριοι κέρα, βασιλείαν κραταιάν, ὀρθόδοξίας πρόμαχον. *Canamus, o fideles, cantum pro gratiarum actione vniuersorum Deo & benefactori, quoniam crexit cornu salutis, & potens imperium, ad rectam fidem protegendam.*

mortalium potuisse occupare animos, tam firmiter iis infigi, tanta pertinacia defendi & propagari? Quam autem vellem, vt alienis istis omnes redderentur cautiores periculis. Non adeo leue quid est, veritatis cognitio, vt plurimi existimant. Quo facilius in errores pudendos, insanos, ab omni ratione alienos prolabantur mortales; eo difficilius saepius aut consequuntur aut retinent veritatem. Si quid itaque est, de quo vel maxime sollicitos esse, in quod omnes ingenii vires intendere, ad quod omnes conuertere cogitationes nos oporteret, veritatis hoc est cognitio, in iis videlicet, quae ad salutem aeternam consequendam, miseriamque perennem euitandam, omnes scire debent. Neque Graeci solum, sed Romanenses, sed alii quam plurimi, & numero infiniti, documentum nobis praebent, nihil frequentius inter mortales contingere, quam vt a recto veritatis atque salutis aberrant tramite. Nec plebeciorum modo hominum, aut rudium, eorumque, qui litterarum sacris imbuti non sunt, ista fors est; sed eorum quoque, qui quo magis ingenio & eruditione florent, hinc & sibi vel maxime sapere videntur, eo grauiori lapsu in absona quaeuis, & inepta, & impia ruunt, mentis, qua sola se praestare putant, imbecillitatem quam luculentissime prodituri. Discere hinc mortales debebant, non sine Numinis munere veritatis sibi obtingere cognitionem, fallique maximopere, qui aut naturae viribus, aut intellectus acumen, aut industriae ac exercitationi omnia tribuunt.

Atque huius rei hodierno nos memores esse decet die, quo id agimus, vt viris quibusdam doctrina, virtute & ingenio praestantissimis summi in theologia conferantur honores. Quod si dixerim, doctore theologo nihil magis curae cordique esse debere, quam orthodoxiae, hoc est, verae sanaeque doctrinae, quae ad hominum promouendam salutem comparata est, studium, nemo, puto, temere hoc reprehenderet. In ea equidem proh! dolor incidimus tempora,  
vbi

vbi nonnullis orthodoxia iocus est, atque ludibrium, qui quidem vellent, vt omni veritatis, quae ex sacris litteris hauritur, cognitione sublata, tenebris replerentur omnia, & summa miscerentur imis, soli vt ipsi regnare & cuncta pro lubitu & dicere & agere possent. Sed quamdiu hoc certum est, vnicam solum esse ad salutem viam, quam scriptura, rite dextreque explicata, dumtaxat monstrat, tamdiu erunt, qui hisce se opponent, eorumque irritos reddent conatus. Neque vero dum orthodoxiam, veritatisque studium commendo, opiniones quasdam male sanas erroneasque, quae perperam hocce nomen sibi vindicant, aut singularia quaedam, quae sine salutis periculo ignorantur, placita, aut sterilem quamdam ac ieiunam rerum sacrarum cognitionem, omnique fructu destitutam, hocce nomine intelligo; sed veram istam certamque & solidam rerum diuinarum notitiam, quam scriptura omnibus, qui rectam salutis viam ingredi cupiunt, commendat, quae instructos illos esse oportet, qui doctorum rite volunt munere fungi, quaeue vt vnice scripturae testimoniis innititur, nec nisi spiritus sancti benignitate obtingit, ita sanctitatis quoque ac virtutis studio vim suam ac efficaciam demonstrat. Talem veritatis cognitionem, eiusque studium sincerum, vt nemo nisi impius aut insanus damnare potest; ita vt in eo proficiant, simulque vt veritatem ipsam custodiant, conseruent, defendant, id enim vero eorum esse, qui non nominari sed esse theologi suarum ducunt esse partium, longe est manifestissimum. Eaque in re ita se doctor theologus geret, vt diligenter quid ecclesiae, quid singulorum hominum permittat ratio, dispiciat, consideretque, quando lenitate, quando seueritate opus sit, & necessaria non minus ab iis, quae intermitteri possunt, quam noxia a profuturis, discernat, & ita demum & fidelis & prudentis serui, in quo maximum positum momentum seruatur ipse pronuntiat, laudem referet.